

Oromo - Healing Scriptures

- Exodus 15:26 'Sagalee ana Waaqayyo gooftaa kee isa sitti dubbatu**
dhugumaan yoo dhaggeeffatte, wanta ana duratti qajeelaa ta'e yoo goote,
abboommii koo yoo dhageesse, seerrata koo hundumaas yoo eegde,
dhukkuba ani warra Gibxiitti fide hundumaa keessaa tokko illee sitti hin
fidu; ani Waaqayyo fayyisaa kee ti' jedhe.
- Deuteronomy 7:15 Waaqayyo dhukkuba hundumaa sittii in qaba; inni**
dhukkuba hamaa ati biyya Gibxiitti beektu sana warra si jibban
hundumaatti fida malee, sitti hin fidu.
- Faarfanna 107:20 Dubbii isaa ergee isaan fayyise, boolla du'aa keessaas**
isaan baase.
- Faarfanna 146:8 Waaqayyo jaamotaaf agartuu isaanii in deebisa; Waaqayyo**
warra gad deebi'an ol in kaasa; Waaqayyo warra qajeelota in jaallata.
- Isaayaas 35:5 Yommus iji warra jaamotaa in banama, gurri warra duudaas in**
saaqama,
- Isaayaas 53:5 Inni garuu balleessaa keenyaaf in waraaname, sababii yakka**
keenyaafis reebamee in caccabsame; nuyi nagaa akka argannuuf inni in
adabame, madaa'uu isaatiinis fayyinni nuuf in argame;
- Isaayaas 58:8 Yoo kana hundumaa gootaniif ifni keessan akka biiftuu**
ganamaa ol in ba'a, madaan keessanis dafee deebi'ee in fayya;
qajeelummaan keessan isin dura in adeema, ulfinni koos isin
booddeedhaan isin in eega.
- Ermiyaas 30:17 Diinonni keessan, "Isin Xiyoon ishee gatamte, ishee namni**
dhimma ishee hin qabnee dha" yoo isiniin jedhan iyyuu, ani immoo madaa
keessan nan fayyisa, gogaa haaraas isa irratti nan biqilcha; kana ana
Waaqayyotu dubbate.
- Ermiyaas 33:6 'Haa ta'u iyyuu malee, waanan ittiin ishee fayyisu ergee ishee**
nan oolcha; namoota ishee fayyisee isaanis nagaa guddaa argatanii, bir'aa
malee gammachuutti akka jiraatan nan godha.
- Miilkiyaas 4:2 Isin warra maqaa koo sodaattaniif garuu aduun qajeelummaa**
inni qarri isaa fayyina of keessaa qabu isiniif in ba'a; akka jabbii goorana
keessaa ba'ees gad baatanii in burraaqxu;
- Maatewoosiv 4:2,24 Yesusis guutummaa Galiilaa keessa naanna'ee, manneen**
sagadaa isaanii keessatti barsiisaa, wangeela mootummaa Waaqayyoo
lallabaa, namootas dhukkubaa fi dhibee hundumaattii fayyisaa ture. 24
Oduun isaas Sooriyaa hundumaatti dhaga'ame; yommus namoonni
dhukkubsatoota isaanii, warra dhukkuba garaa garaatiin, waraansaanis
dhiphatan, warra hafuurri hamaan itti gale, dhukkuba nama kuffisu kan
qaban, dhagni isaanii gar tokko kan du'es hundumaa gara isaatti fidan;
innis isaan in fayyise.

Maatewoosiv 8:16,17 Galgala sanas warra hafuurri hamaan keessa ture baay'ee gara isaatti fidan; inni immoo sagalee tokkoon hafuurota hamoota baase, warra dhukkubsatan hundumaa in fayyise. 17 Kunis raajicha Isaayaasiin, 'Inni waraansa keenya nu irraa fuudhe, dhukkuba keenyas baate' kan jedhame akka raawwatamuuf ta'e.

Maatewoosiv 9:35 Yesus mandaroota hundumaa fi gandeen keessa naanna'ee manneen sagadaa isaanii keessatti barsiisaa, wangeela mootummaa Waaqayyo himaa, dhukkubaa fi dhibee hundumaattiis fayyisaa ture.

Maatewoosiv 10:1 Yesus bartoota isaa kudha lamaan ofitti waamee, hafuurota xuraa'ota akka baasaniif, dhukkubaa fi dhibee hundumaas akka fayyisaniif aboo isaaniif kenne. (Maarqoosi 3:14,15)

Maatewoosiv 10:8 Warra dhukkubsatoo fayyisaa, warra du'an kaasaa, warra lamxaa'an qulleessaa, hafuurota hamoota baasaa; gatii utuu itti hin baasin fudhattan, isinis gatii utuu itti hin baasisin kennaa!

Maatewoosiv 11:5 Kan jaaman in argu, kan hokkolan in adeemu, kan lamxaa'an in qulla'u, kan duudan in dhaga'u, kan du'an in ka'u, hiyyeessotaafis misraachoon in lallabama.

Maatewoosiv 12:15 Yesus kana baree achii sokke; namoonni baay'eenis isa duukaa dhaqnaan warra dhukkubsatan hundumaa fayyise;

Maatewoosiv 15:30 Tuuti sonaan baay'een immoo warra hokkolan, warra jaaman, warra kottaa'an, warra arraba didaa akkasumas kan bira baay'ee fidanii dhufanii, miilla Yesus jala kaa'an; yommus inni isaan in fayyise.

Maatewoosiv 17:20 Yesus immoo deebisee, 'Amantiin keessan waan hir'ateef kaa! Anoo dhuguman isiniin jedha, amantii hamma ija sanaaficaa geessu utuu qabaattanii, gaara kanaan, "Asii ka'ii achi butadhu" in jettu, gaarichis asii ka'ee achi in butata; wanti isiniif hin danda'amnes hin jiru.

Maarqoosi 1:34 Yesus dhukkubsatoota baay'ee warra dhukkuba garaa garaatiin rakkachaa turan fayyisee, hafuurota hamootas baay'ee baase; hafuuronni hamoonni isa waan beekaniif, inni dubbachuu isaan dhowwe.

Maarqoosi 3:10 Inni dhukkubsatoota baay'ee waan fayyiseef, warri dhukkuba garaa garaa qaban hundinuu isa harkaan qabuudhaaf, hamma isa irratti wal caccabsanitti ga'an.

Maarqoosi 6:5,6 Harka isaa dhukkubsatoota muraasa irra kaa'ee isaan fayyise malee, kana irra kan caalu hojii aangoo achitti hojjechuu hin dandeeny. 6 Amanti-dhabina isaaniitti garuu baay'ee dinqifate. Kana booddee inni barsiisaa gandeen sana gidduu in deddeebi'e.

Maarqoosi 6:13 Isaanis hafuurota hamoota baay'ee baasanii, warra dhukkubsachaa turanis baay'ee dhadhaa dibataa dibanii, isaan fayyisan.

Maarqoosi 6:55,56 Naanna'aa sanaa immoo asii fi achi fiiganii, iddo inni ga'e jechuu dhaga'an hundumaatti, namoota dhukkubsatan sireedhaan fiduutti ka'an. 56 Gandeen, mandaroota yookiis manneen inni dhaqe hundumaattis, dhukkubsatoota lafa gabaa ciibsanii akka isaan shaashara wayyaa isaatii

illee tuqaniif isa in kadhatu turan; hammi shaashara wayyaa isaa tuqan hundinuu in fayyan.

Maarqoosi 8:23-25 Kana irratti inni namicha jaamaa sana harka qabee ganda keessaa diidatti baasee, ija namichaatti tuttufee, harka isaas irra kaa'ee, 'Waa arguu in dandeessaa?' jedhee, gaafate. 24 Namichi immoo ilaalee, 'Namoota arguu nan danda'a, akka adeemanis nan arga, garuu mukkeetii anatti fakkaatu' jedhe. 25 Inni ammas harka isaa ija namichaa irra kaa'e, yommus iji namichaa fayyee, hubatee ilaalee waan hundumaas ba'eessa godhee arge.

Maarqoosi 9:29 Inni immoo deebisee, 'Inni akkasii kun kadhataan, soomuudhaanis malee, waan biraatiin baafamuu hin danda'u' isaaniin jedhe.

Maarqoosi 16:17,18 Warra anatti amanan birattis milikkitoonni kun in argamu; warri anatti amanan kun maqaa kootiin hafuurota hamoota in baasu, afaanota haaraadhaanis in dubbatu. 18 Bofa yoo qaban yookiis waan nama ajeesu yoo dhugan isaan hin miidhu; harka isaaniis warra dhukkubsatan irra in kaa'u, isaanis in fayyu' isaaniin jedhe.

Luqaas 4:8 Yesus immoo deebisee, "'Waaqayyo gooftaa keetiif jilbeenfattee sagadi, isa duwwaafis hojjedhu!" kan jedhu caafameera' jedheen.

Luqaas 4:40 Aduun yommuu lixxe, dhukkubsatoota dhukkuba garaa garaatiin rakkachaa turan kan manaa qaban hundinuu, gara isaatti fidan; inni yeroo sana harka isaa tokkon tokkon isaanii irra kaa'ee isaan in fayyise.

Luqaas 5:15 Haa ta'u iyyuu malee, waa'een isaa caalaatti odeeffamnaan, namoonni lakkobsa hin qabne isa dhaga'uudhaa fi dhukkuba isaaniittiis fayyifamuudhaaf gara isaatti dacha'an.

Luqaas 5:17-25 Gaaf tokko Yesus in barsiisa ture. Fariisonnii fi barsiisonni seeraas gandeen kutaa biyya Galilaatii fi Yihudaatii, mandara Yerusaalemiis dhufanii, achi in taa'u turan. Humni Waaqayyoo gooftaa inni fayyisus Yesusii wajjin ture. 18 Kunoos jarreen tokko nama dhagni isaa gar tokko du'e sireedhaan fidan; ol galchaniis Yesus dura kaa'uu yaalan. 19 Garuu baay'ina namootaatiif karaa dhabnaan, mana yaabsisan; bantii mana biyya sanaa isa diriiraa saaqanii, akkuma siree irra ciisetti Yesus duratti gad buusan. 20 Yesus amantii jarreen kanaa yommuu arge isa dhukkubsataadhaan, 'Namicha nana, cubbuun kee hundinuu siif dhiifameera' jedhe. 21 Barsiisonni seeraatii fi Fariisonni, 'Eenu namichi Waaqayyo arrabsu kun? Waaqayyo duwwaa malee eenyutu cubbuu namaaf dhiisuu danda'a?' jedhanii guungumuu jalqaban. 22 Yesus yaada isaanii yommuu hubate, gaaffii isaan gaafate; 'Maaliif kana garaa keessanitti yaaddu? 23 Kamtu salphaa dha? Cubbuun kee siif dhiifameera jechuu moo yookiis ka'iitii adeemi jechuu? 24 Garuu ilmi namaa lafa irratti dhiifamuu cubbuu kennuudhaaf aboo akka qabu beekaa!' jedhe. Achumaanis isa dhagni isaa gar tokko du'een, 'Sittan hima, ka'iitii siree kee

fudhadhuu mana keetti gali!" jedheen. 25 Si'uma sana utuma isaan ilaalanii, ka'ee siree irra ciisaa tures fudhatee, Waaqayyoof hooqubaa dhi'eessaa mana isaatti gale.

Luqaas 6:17-19 Yesus isaanii wajjin gaaricha irraa gad bu'ee, iddo diriiraa tokko dhaabate. Bartoota isaa warra hafan keessaa baay'een, Yihudaa hundumaa keessaa Yerusaalem keessaas akkasumas mandaroota galaana bukkee, Xiiroosii fi Sidoon keessaas sabni lakkobsa hin qabne isaanii wajjin turan. 18 Isaan kun isa dhaga'uudhaa fi, dhukkuba isaaniittiis fayyuudhaaf dhufan; warri hafuura hamaadhaan rakkachaa turanis in fayyan. 19 Tuuti jaraas humni isa biraa ba'ee, hunduma isaanii in fayyisa waan tureef, hundinuu harka isaaniittiin isa tuquudhaaf in yaalu turan.

Luqaas 7:21,22 Yeroodehuma sanatti Yesus namoota baay'ee dhukkuba isaaniitti, dha'icha isaaniitti, hafuurota hamaattiis fayyise; jaamota baay'eetiif agartuu isaanii bane. 22 Warra ergamaniinis, 'Deebi'aa, waan argitan waan dhageessanis Yohannisitti himaa! Kan jaaman in argu, kan hokkolan in adeemu, kan lamxaa'an in qullaa'u, kan duudan in dhaga'u, kan du'anis in ka'u, gadadamootaafis wangeelli in lallabama.

Luqaas 8:2 Akkasumas immoo dubartoonni hafuurota hamootaa fi dhukkuba garaa garaattii fayyifaman duukaa in bu'u turan; isaanis Maariyaam ishee Magdalaa kan jedhamtu, ishee hafuronni hamoonni torba keessaa baafaman;

Luqaas 9:2 Mootummaa Waaqayyoo haa labsaniif kan dhukkubsatanis haa fayyisanii ifisaan erge.

Luqaas 9:11 Namoonnis gara kam akka dhaqe yommuu dhaga'an, duukaa bu'an; inni isaan simatee, waa'ee mootummaa Waaqayyoo isaanitti hime; warra fayyuun isaaniif barbaachises fayyise.

Luqaas 13:12 Yesus yommuu ishee arge, ofitti ishee waamee, 'Dubartii nana, dhukkuba keettii hiikamteetta' jedhe.

Luqaas 13:32 Inni immoo, 'Dhaqaatii haxxee sanaan, "Kunoo ani har'aa fi bor hafuurota hamoota nan baasa, kan dhukkubsatanis nan fayyisa, guyyaa sadaffaattis hojii koo nan raawwadha.

Yohaannisi 5:8,14 Yesus immoo, 'Ka'i, siree kee fudhadhuutii adeemi!' ittiin jedhe. 14 Ergasii Yesus namicha fayye sana mana qulqullummaatti argatee, 'Kunoo, amma fayyiteetta; egaa kan kana irra caalu akka sitti hin dhufnetti, si'achi cubbuu hin hojetin!' ittiin jedhe.

Yohaannisi 14:12 'Dhuguma, dhuguman isiniin jedha, namni anatti amanu waan ani hojjedhu hundumaas in hojjeta; ani gara abbaa waanan dhaquuf kana irra kan caalu iyyuu in hojjeta.

Hujii Ergamtootaa 3:6 Phexros garuu, 'Ani meetii fi warqee hin qabu, waanan qabu garuu siifan kenna; maqaa Yesus Kristos nama Naazireetiin ka'ii, adeemi!' jedheen.

Hujii Ergamtootaa 5:15,16 Dhukkubsatoota baay'ee iyyuu, yommuu Phexros

karaa sana irra darbu gaadidduun isaa isaan keessaa tokko tokko irra illee haa buufatuuf sireedhaan, muka wasaasaatiinis fidanii karaa irra in kaa'u.
16 Mandaroota naanna'aa Yerusaalemiis namoonti danuun
dhukkubsatootaa fi warra hafuronni hamoonni rakkisan fidanii in dhufu;
warri geeffaman hundinuus in fayyifamu turan.

Hujii Ergamtootaa 10:38 Waaqayyo, Yesus nama Naazireet kana hafuura qulqulluudhaan dibee humnaan akka isa guute, inni naanna'ee hojii gaarii akka hojjete, Seexanaan kan cunqurfaman akka fayyise, Waaqayyo isaa wajjin akka tures beekamaa dha.

Hujii Ergamtootaa 19:11,12 Waaqayyo dinqii takkaa hin beekamin harka Phaawulosiin in raawwata ture. 12 Kanaafis erbeen inni ittiin dafqa isaa haxaa'atu yookiis marati isaa warra dhukkubsatanitti yommuu geeffamu, dhukkubni isaanii isaan in dhiisa, hafuronni hamoonnis keessaa in ba'u turan.

Roomaatti 8:26 Hafuurichis immoo akkuma kanatti dadhabpii keenyatti nu gargaara; nuyi maal kadhachuun akka nuuf barbaachisu akka ta'utti hin beeknu; hafuurichi garuu Aaduu Isaatiin karaa namni dubbiidhaan mul'isuu hin dandeenyeen nuuf in kadhata.

1 Qorontoosiitti 12:9 isa kaaniif amantiitu hafuuruma sanaan kennameef, isa kaaniif immoo kennaa warra dhukkubsatan fayyisuutu hafuura tokkicha sanaan kennameef;

1 Qorontoosiitti 12:28 Waaqayyos waldaa kristiyaanaa keessatti duraan dursee ergamoota, lammaffaa warra waan inni itti mul'ise dubbatan, sadaffaa warra dubbii isaa barsiisan, kana booddees warra dinqii hojjetaan, isaanitti aansees warra dhukkubsatoota fayyisuudhaaf kennaa qaban, warra namoota gargaaran, warra hojii geggeessan, warra afaan hin beekamneen dubbatan kaaseera.

Filiphisiyuusitti 2:27 Inni illee dhuguma dhukkubsatee du'ee oole; Waaqayyo garuu isa maareera; isa duwwaas utuu hin ta'in, ani gadda irratti gadda akkan hin dabalanneef anaafis araara godhe.

Yaaqoobi 5:14 Isin keessaa namni dhukkubsate jiraa? Inni jaarsolii waldaa kristiyaanaa haa waamsifatu; isaan immoo maqaa gooftaatiin dibata dibanii kadhata haa godhaniif.

1 Pheexiroosi 2:24 Nuyi cubbuu jalaa duunee qajeelinaaf akka jiraannuuf, inni ofii Isaati cubbuu keenya dhagna Isaatiin baatee fannootti ol ba'e; madaa'uu Isaatiin isin in fayyifamtan.

3 Yohaannisi 1:2 Yaa michuu ko! Akkuma karaa lubbuu sitti tole, karaa hundumaan akka sitti tolu, akka ati fayyaa taatus nan kadhadha.